



Siverth K. Heilmann

UPA 2022/167

Atassut

27. maj 2022

Qanoq iliornikkut qitiusumiit eqiterussinerup millisarnera inunnut ataasiakkaanut inuiaqatigiinnullu iluaqutaasinnaanera pillugu apeqquteqaat aallaavigalugu oqallisissiaq.

(Inatsisartunut ilaasortaq Aqqalu C. Jerimiassen, Atassut)

Oqartoqartarpoq qitiusumi allaffeqarfissuaq alliartuinnartoq, allaffissornikkullu aningaasartuuterparujorujussuit inuiaqatigiinnut akisuallaarujussualersaq.

Oqartoqartuarterpoq avataaninngaanniinngooq tikisitsiuartugut. Aali Inatsisartuniit suliakkiussarparujuaqaratta taamak annertutigisumik tikisitsisariaqartugut.

Ila akileraartartorpassuit aningaasaataat atorpagut. Sunamita akileraartartunut utertarpa? Iluamilluunniit nakorsiartoqarsinnaanngitsoq. Illuatungaaniillu ilinniarnissaq tamatta akilersueqataaffigaluarlugu ilinniarlutik naammassisartut ingerlariaqqittartullu ikippallaarlutik.

Oqartoqartarportaaq immitsinnut aallaaviginerulluta tulluarsaasariaqartugut. Una ersarilluinnartumik oqaatigilara: Uagut namminerpiaq suleriaaseq pilersitaraarput, uagorpiarlu nammineerluta allannortissinnaavarput. Allat pisuutikkunnaarlugit nammineerluta akisussaaffik tigutigu.

Maannangaarlu Atassummiit qitiusumiit eqiterussinerujussuup millisarnissaa oqariartuutigaarput. Taamaalillutami akileraarut apparsarneqarsinnaavoq, oqartussaaffiillu sumiiffinni inunnut qaninnerusumik ingerlanneqarsinnaalissallutik.

Taamatummi ingerlajuartilluta nunatut kommunistiskiusutut ingerlatsinissaq qanillartuaalissagatsigu. Qulaaniit aqutsinerujussuarput millisartariaqalerparput inuillu nammineernerusut, suliffeqarfiillu namminersortut amerlinissaat siunniullugu.

Assersuutigalugumi motorafgiftimut Atassummiit siunnersuuterput qimerluualarneqarsinnaavoq Kommuninut nuutsinneqarsinnaanera pillugu. Tassa tigussaasoq.

Inatsisartunilu suleriaaserput aamma allannortinneratigut siunnersuuteqarniartilluta misissuititsinerparujorujussuit pisariaqartarput aalajangiinnginnermi. Sulisorparujussuarnik aallernernik, aningaasarparujussuarnillu tamakku naleqarput. Eqaanerusumik suleriaaseqalertariaqarpugut.

Taamammi ikitsigaluta eqaatsumik sukkasuumillu suleriaaseqarsinnaagaluarpugut. Immitsinnulli naallertuarpugut sunalu tamaat pisariusorujussuannngortillugu.

Uaguttaaq Inatsisartut sullarinnerulertariaqarpugut, tamatigut suliartortarluta, partiilersuunnerujussuullu aqqani akerliuniaannarluta akerliusarunnaarnikkut. Innuttaasuniillu politikkerinut isumalluuteqarnerujussuaq millisarneqartariaqalerpoq. Innuttaasummi sulinermikku nunarput ingerlattariaqarpat, qinersineriinnakkuunngitsoq. Pisortat akisussaaffiat minnerpaarpaaffianiittariaqarpoq, inuillu kiffaannngissusaat akisussaaffiallu annerpaajulluni.